

Ռ. Կարապետյան

ԲԱՐՈՅԱԿԱՆՈՒԹՅԱՆ ՆԿԱՏՄԱՄԲ ՄԻՋԱՎԱՅՐԻ ՀԱՐԱԲԵՐՈՒԹՅԱՆ ՀԱՐՑԸ Ն. Գ. ՉԵՐՆԻՇԵՎՍԿԻԻ ԷԹԻԿԱՅՈՒՄ

Ռուս մեծ մտածող և ուսուցիչ-դեմոկրատ Ն. Գ. Չերնիշևսկին նախա-
մարքայան մատերիալիզմի ամենալուսավոր դեմքն է։ Հանձին նրա նախա-
մարքայան մատերիալիզմը հասավ իր զարգացման բարձրագույն աստիճանին։
Չերնիշևսկին կարողացավ մեծ չափով ազատագրվել մինչև մարքայան սոցիոլո-
գիայի թերություններից, բայց վերջնականապես չկարողացավ հանգել պատ-
մական մատերիալիզմին։ Պետք է նշել, որ Չերնիշևսկին նախամարքայան մա-
տերիալիզմը բարձրագույն աստիճանի հասցրեց հատկապես հասարակական
երևույթների վերաբերյալ զարգացրած իր նոր, թարմ, հետաքրքիր և հասուն
դրույթներով։

Լինելով մատերիալիստ և մատերիալիստական աշխարհայացքը ծառա-
յեցնելով գյուղացիության ազատագրության, ճորտատիրության վերացման
պայքարի գործին, Չերնիշևսկին իր էթիկայում հանդես էր գալիս մատերիա-
լիստական սենսուալիզմի դիրքերից։ Նա պաշտպանում էր բոլոր մատերիա-
լիստների համար ընդհանուր այն հայացքը, որ մարդկանց բարոյական սկզբ-
բունքները հանդիսանում են նրանց զգայությունների և գիտակցության վրա
շրջապատող հասարակական միջավայրի ազդեցության արդյունք։ Այս տե-
սակետից ունենալով ընդհանուր կողմեր Դիգրոյի, Հելվեցիուսի և Ֆոյերբախի
հետ, Չերնիշևսկին արտահայտում էր այնպիսի մտքեր, որոնք արմատապես
տարբերվում են վերջիններիս էթիկական հայացքներից։

Չերնիշևսկին ընդգծում էր, որ ինչպես բնական գիտություններն են հետա-
դոտում բնության երևույթների բազմազանության, փոփոխությունների պատ-
ճառները, այնպես էլ բարոյական գիտությունները պետք է բացատրեն մարդու
հոգեկան հատկությունների, բնավորությունների, սովորությունների դրսևորումների
պատճառները։ Նա նշում է, որ մարդը, լինելով կենդանի էակ, ֆիզիկապես
կապված լինելով բնության հետ, ձգտում է դեպի հաճելին և խուսափում է
տհաճից։ Դա մարդկային բնավորությունն է։ Սակայն, որոշո՞ւմ է արդյոք այդ
բնավորությունը մարդու բարի կամ չար լինելու հատկանիշը։ «Մարդը բարի
է լինում այն ժամանակ,— գրում է Չերնիշևսկին,— երբ իր համար հաճելին
ստանալու համար նա պետք է հաճելի բան կատարի ուրիշների համար։ Չար
լինում է նա այն ժամանակ, երբ ստիպված է հաճելիություն կորզել իր համար
ուրիշներին հասցրած տհաճությունից։ Այստեղ մարդկային բնավորությունը
չի կարելի ո՛չ նախատել մեկի համար, ո՛չ գովել մյուսի համար։ Ամեն ինչ կա-
խում ունի հանգամանքներից, հարաբերություններից, հաստատություննե-
րից»¹։ Առանձին մարդու մասին կարելի է ասել չար է նա, թե բարի։ Բայց
ընդհանրապես խոսել մարդու չար կամ բարի լինելու մասին անհնարին է այն-

¹ Ն. Գ. Չերնիշևսկի, Փիլիս. ուսուց. երկեր, Երևան, 1949, էջ 67։

պես, ինչպես որևէ մարդու մասին կարելի է ասել, որ նա հյուսն է, բայց չի կարելի պնդել, թե մարդը ընդհանրապես հյուսն է:

Վերլուծելով Վ. Պ. Բոտկինի նամակները Իսպանիայի մասին և նկարագրելով իսպանական ժողովրդի բարքերն ու սովորությունները, Չերնիշևսկին եղրակացնում էր, որ իսպանացիների որոշ բարոյական գծերը գոյություն ունեցող հասարակական և քաղաքական հարաբերությունների արդյունքը պետք է համարել¹:

Չերնիշևսկին ողուսական հասարակության տարբեր խավերի մարդկանց բարոյական վատ, բացասական կողմերը համարում էր դրանք ծնող հանգամանքների մեղքը: Անդրադառնալով Շչեդրինի «Նահանգական ակնարկներին», նա ցույց էր տալիս, որ այն արատները, որոնցով օժտված են, օրինակ, առևտրական կամ հոգևոր դասի ներկայացուցիչները, հետևանք են հասարակական այն հարաբերությունների և հասարակության մեջ տիրող այն ընդհանուր սովորությունների, որոնք գոյություն ունենին Ռուսաստանում:

«Դավարանել կամ նախատել կարելի է միայն էքսցենտրիկ մարդկանց, որոնք վարվում են ոչ այնպես, ինչպես վարվում է նրանց ժամանակի և նրանց դրության մեջ գտնվող մարդկանց հսկայական մեծամասնությունը: Այն սովորությունները և կանոնները, որոնք ղեկավարում են հասարակությունը, առաջանում և պահպանվում են շնորհիվ ինչ-որ փաստերի, որոնք անկախ են նրանց հետևող մարդու կամքից. նրանց վրա պետք է նայել անպայման պատմական տեսանկյունից»²:

Իր աշխատություններում Չերնիշևսկին ամեն առիթ օգտագործում էր լիբերալիզմը և լիբերալ գործիչների բարոյական սկզբունքները քննադատելու համար: Այսպես, օրինակ, նա խոր վերլուծության էր ենթարկում Ի. Ս. Տուրգենևի «Ասյա» վիպակը, և քննադատության էր ենթարկում վիպակի հերոս Ն-ին և նրա նման այլ հերոսներին՝ ուղիներին, բելտովներին և այլոց, որոնք, ըստ Չերնիշևսկու, ժրջանություն են ցուցաբերում, քանի դեռ գործ չկա և անհրաժեշտ է խոսքի, գրույցի միջոցով լցնել դատարկ ժամանակը, իսկ երբ գործը վրա է հասնում և որոշակի ու անմիջական գործունեության պահանջ առաջադրում այդ հերոսներին, ապա նրանք սկսում են տատանվել և նույնիսկ մոռանալ իրենց վաղեմի պերճախոսությունը: Սակայն բարոյական այս հատկությունը, ըստ Չերնիշևսկու, ոչ թե այդ հերոսների մեղքն է, այլ նրանց դժբախտությունը: Մեղավորն այն հանգամանքներն են և գոյություն ունեցող այն ընդհանուր սովորությունները, որոնց ենթարկվում են այդ մարդիկ³:

Բայց ի՞նչ հանգամանքներ են դրանք, որ առաջ են բերում հասարակության մեջ այդպիսի սովորություններ և մարդկային բնության համար անընդունելի բարոյական գծեր:

Այս հարցի պատասխանում էլ հենց զրսևորվում է Չերնիշևսկու էթիկայի դերադանցությունն արևմտավրոպական մտածողների էթիկայից:

Անդրադառնալով մարդկանց շրջապատող բնական պայմաններին, աշխարհագրական միջավայրին, Չերնիշևսկին մատնանշում էր, որ աշխարհագրական միջավայրն իր ամբողջ ուժը երևան է բերում հատկապես ժողովրդի

¹ См. Н. Г. Чернышевский. Полное собрание сочинений, т. IV, стр. 233—234.

² Там же, стр. 279.

³ Там же, т. V, стр. 165.

Հայնքի սկզբնական շրջանում միայն¹, բայց բնական պայմանները կորցնում են իրենց ուժը ժողովրդական զբաղմունքների և նրանց կենցաղի բնույթի վրա, երբ ժողովուրդը մտնում է պատմական կյանքի մեջ: Չերնիշևսկին համոզիչ կերպով ցույց է տալիս, որ բնական պայմանները չեն կարող որոշիչ լինել մարդկանց կենցաղի ու զբաղմունքների զարգացման կամ ձևավորման համար, այլապես միևնույն կլիմայում ապրող ժողովուրդներն իրենց պատմության տարբեր ժամանակաշրջաններում հանդիս չլին բերի կենցաղավարության տարբեր ձևեր կամ միևնույն կլիմայում ապրող ժողովուրդների կյանքի ու կուլտուրայի մակարդակը տարբեր չէր լինի: Աքսորից իր որդիներին գրած՝ 1876 թ. ապրիլի 27-ի նամակում Չերնիշևսկին անդրադառնում էր այդ հարցին, և անմիտ համարելով հասարակական հարաբերությունների բնույթը կլիմայական գոտիների տարբերությամբ բացատրելու տենդենցը, նշում էր, որ քաղաքակրթության զարգացման ցածր աստիճանը շոգ, հասարակածային գոտում կլիմայի հետևանքը չէ, որտեղ, որոշ տեսաբանների կարծիքով, իբր թե հնարավոր չէ աշխատել: Չերնիշևսկին նշում էր, թե ինչպես ավելի դաժան կլիմայական պայմաններ ունեցող Անգլիայում քաղաքակրթությունը գտնվում էր ավելի բարձր աստիճանի վրա, քան կլիմայական մեղմ պայմաններում գտնվող Օստ-Ինդիայում կամ Հունաստանում²:

Նույն դիալեկտիկական մոտեցումն է ցուցաբերում Չերնիշևսկին բարոյականությունը, սովորությունները խառնվածքով բացատրելու հարցի նկատմամբ: Ի հակադրություն Հոլթախի, Դիդրոյի և Ֆոյերբախի, որոնք խառնվածք ասելով հասկանում էին մարդկանց ֆիզիոլոգիական հատկանիշների ամբողջությունը և դրանով բացատրում էին հասարակության բարոյականությունը, Չերնիշևսկին, ելնելով զանազան ժողովուրդների, զանազան խառնվածքների տեղի մարդկանց մանրագնին համեմատություններից, գալիս էր այն եզրակացության, որ խառնվածքով, կամ մարդու մարմնի ու զանգի ձևերով չի կարելի բացատրել մարդկանց բարոյական սկզբունքների, զգացմունքների ու արարքների այս կամ այն դրսևորումները: Այդ բանն ապացուցելու համար Չերնիշևսկին դիմում է սպիտակ ռասայի ժողովուրդների համեմատությանը: Անգլիացին, ֆրանսիացին, իտալացին, իսպանացին, ռուսը և գերմանացին այնքան են տարբերվում միմյանցից, ինչքան գասկոնացին՝ նորմանդացուց, վորոնեժցին՝ յարոսլավցուց: Այս համեմատություններն անելուց հետո Չերնիշևսկին եզրակացնում է. «Կենդանաբանական համեմատությունները և ֆիզիոլոգիական կշռադատումները ապացուցում են... որ եվրոպական ժողովուրդների ցեղական առանձնահատկությունները չեն կարող հիմք ծառայել նրանց կենցաղի և սովորությունների համար, որ այդ տարբերությունները չափազանց շնչին եննման մեծ զանազանություն առաջացնելու համար»³: Ինչ վերաբերում է խառնվածքների տարբերություններին, ապա նկատվում է, որ տարբեր ազգերի ու դասակարգերի մեջ, անկախ կլիմայական պայմանների տարբերություններից, կան ամեն տեսակի խառնվածքի տեղի մարդիկ: Շատերը անգլիացուն վերագրում են խելամտություն և անդրդվելիություն: Բայց հոռմայեցիները ոչ մի չափով չէին զիջում այդ հատկություններով անգլիացիներին: Արդեն սովորություն է դարձել հակադրել ֆրանսիացու թեթևամտությունը

¹ См. Н. Г. Чернышевский, Полн. собр. соч., т. IV, стр. 480.

² Там же, т. XIV, стр. 656.

³ Там же, т. IV, стр. 478.

և անխոհմտությունն անգլիական շրջահայեցությանը և խելամտությանը: Բայց դա չի ժխտում, որ անգլիացին ևս ֆրանսիացուց պակաս ընդունակ չէ հրապուրվել, անմտություններ անել, վտանգի տակ դնել կյանքն ու հարստությունը: Մոնղոլները սառնարյուն են, արաբները՝ դյուրագորգիո, բայց թե՛ առաջինների և թե՛ երկրորդների նվաճումները փայլուն են եղել: Կար ժամանակ, երբ այժմ ծուլլ թվացող արաբներն աչքի էին ընկնում անգլիացիներին չզիջող զործարարությամբ, և ընդհակառակը, գերմանացիներն ու բրիտանացիներն աշխարհի ամենածուլլ Հակներն էին: Այսպիսով, չի կարելի խառնվածքով բացատրել ժողովուրդների սովորությունները, բարոյական ու մտավոր հատկությունները և նրանց փոփոխությունները: Մեծ մտածողն ընդգծում էր, որ խառնվածքների տարբերությամբ չի որոշվում մարդկանց ոչ աշխատասիրության աստիճանը, ո՛չ էլ բարեխղճության, ազնվության կամ խոհականության չափը¹:

խառնվածքների մասին իր այս դրույթներով Չերնիշևսկին հիմնովին տարբերվում էր Հոլբախից, Դիդրոյից և Ֆոյերբախից, որոնք կախման մեջ դնելով մարդկանց բարոյական սկզբունքները նրանց խառնվածքներից, ոչ միայն որոշ իմաստով տուրք էին տալիս վուլգար մատերիալիզմին, այլև սուղանցք էին թողնում բնածին իդեանների տեսության համար: Չերնիշևսկին հիմնովին մերժում էր բնածին իդեանների ուսմունքը: Նա ցույց էր տալիս, որ ո՛չ թե խառնվածքն է որոշում մարդկանց բարոյական և մտավոր հատկանիշները, այլ, ընդհակառակը, հենց խառնվածքները սովորությունների և հանգամանքների արգասիք են:

Չերնիշևսկին այլ ձևով էր լուծում նաև բարոյականության վրա օրենքնիրի, քաղաքական կարգերի ազդեցության հարցը:

Նա չէր ժխտում, որ օրենքները ազդում են մարդկանց բարոյական հատկությունների, սովորությունների, կենցաղի վրա: Սակայն, ի տարբերություն Հելվեցիուսի, որն օրենքները դարձնում էր հասարակության ամբողջ բարոյական նկարագրի հիմքը, Չերնիշևսկին ցույց էր տալիս, որ կառավարությունների կողմից հրատարակված այն օրենքները, որոնք բխում են հասարակության կենցաղից, սովորություններից, դրականորեն են ազդում նրանց ձևավորման ու զարգացման վրա: Իսկ այն օրենքները, որոնք հակասում են ժողովրդի բարքերին, սովորություններին, կենցաղին, բացասաբար են անդրադառնում նրանց վրա: Օրենքը ամենազոր չէ: Որենքը «ամենազոր է, երբ, ճանաչելով շարիքի իսկական պատճառը, օրենսդիրը փոխում է այդ շարիքն առաջացնող հաստատությունները»²: Բայց երբ օրենքը, առանց դիպչելու շարիքը ծնող քաղաքացիական հաստատություններին, նպատակ է դնում վերացնել շարիքը, ապա նա անզոր է դառնում: Այսպես, օրինակ, երբ հռոմեական կայսրերը օրենքներ էին հրատարակում ճոխության և այլասեռվածության հետ միացած ամուրիության դեմ, ապա նրանք ոչ մի արդյունքի չէին հասնում, որովհետև այդ երևույթները ստրկատիրական կարգերի ծնունդն էին: Հետևապես, միայն այն կառավարությունները և միայն այն օրենքներն ուժ ունեն, որոնք կարողանում են ելնել գոյություն ունեցող հասարակական հարաբերություններից:

Հասկանալի է, որ ուսույցիոն-դեմոկրատ Չերնիշևսկին հանդես էր գալիս ցարական կառավարության օրենքների դեմ, երբ մի կողմից՝ հասարակական

¹ Տե՛ս Ն. Կ. Չերնիշևսկի, Փիլիս. բնույթ երկեր, էջ 310:

² Н. Г. Чернышевский, Полн. собр. соч., т. IV, стр. 491.

բարքերի փոփոխութեան բարելավման համար առաջարկում էր քաղաքացիական հաստատութիւններին փոխակերպումը, իսկ մյուս կողմից՝ ակնարկում էր ցարական օրենքների հակաբնական, հասարակութեան սովորութիւններին ու բարքերին հակադիր լինելու հանգամանքը: Նա ցանկանում էր ասել, որ ինչպիսի օրենքներ էլ հրատարակելու լինի Ռուսաստանի կալվածատիրական միապետութիւնը, միևնույն է, եթե նույնիսկ նա շահագրգռված լինի, չի կարող փոփոխութիւններ առաջ բերել ուստի ժողովրդի սովորութիւնների ու բարոյականութեան մեջ, վերացնել նրանց կենցաղում գոյութիւն ունեցող բացասական կողմերը, եթե նա հիմնովին չփոխի այդ բացասական կողմերի, հասարակութեան մեջ թագավորող շարիքի հիմքը հանդիսացող քաղաքացիական հաստատութիւնները: Եթե ուսական հասարակութեան տարբեր խավերի բարոյական պատկերը գնալով ավելի անմխիթարական է դառնում, ապա դրանում մեղավոր է ցարական կառավարութիւնը¹:

Այսպիսով, ըստ Չերնիշևսկու, օրենքները, որոնք կարող են պայմանավորել ժողովրդի, ազգի բարքերի ու սովորութիւնների բնույթը, իրենք պայմանավորված են պատմականորեն ստեղծված քաղաքացիական հաստատութիւններով: Սակայն այս խոր մտքից Չերնիշևսկին չկարողացավ ճիշտ եզրակացութիւնների հանգել, նա չհասավ բազիսի և վերնաշենքի մարքսիստական հասկացողութեանը: Չերնիշևսկին սխալմամբ պնդում էր, որ, օրինակ, իսպանական ժողովրդի որոշ ապստիայի պատճառը պետք է որոնել այնպիսի հաստատութիւնների մեջ, ինչպես ինկվիզիցիան է, որը դարերով խեղդել է Իսպանիայում ազատ մտքի ստեղծագործութիւնը, իսկ Ֆրանսիացիների ազդային բնավորութեան առաջացման պատճառը նա համարում էր պատերազմները՝ նախ ֆրանսիական առանձին իշխանութիւնների միջև, և ապա Անգլիայի դեմ:

Ավելի հետաքրքրական է Չերնիշևսկու այն միտքը, թե պետութիւնը, «*բանի դեռ այն գոյութիւն ունի*»², անպայման միջամտում է մարդկանց տրեստական գործունեութեանը, ազդում նրա վրա: Այս միտքը լրացվում է մի այլ դատողութեամբ: Չերնիշևսկին հույս էր հայտնում, որ այն ժամանակ, երբ գյուղացիները կաղատադրվեն ճորտութիւնից, և լուսավորութիւնը կընդգրկի ժողովրդի ամենալայն մասսաներին, այլևս ավելորդ կլինեն օրենքները: Նա գրում է. «Այն ժամանակ, իհարկե, արժեքների արտադրութիւնը յուր կզնա առանց օրենքների, ճիշտ այնպես, ինչպես այժմ առանց նրանց յուր են գնում գրոսանքը, ուտելը, թղթախաղը և հաճելի ժամանցի մյուս եղանակները»³:

Այսպիսով, ի տարբերութիւն հին մատերիալիստների, որոնք ձգտում էին հին օրենքների վերացմանը և նոր հավերժական օրենքների ստեղծմանը, Չերնիշևսկին ենթադրում էր, որ օրենքները հավերժական չեն, և որ կգա մի ժամանակ, երբ մարդիկ կգործեն առանց որևէ օրենքի:

Բացի այդ, եթե Դիդրոն, Հելվեցիուսը և Հոլբախը ձգտում էին ապագա հասարակութեան պիսին տեսնել «լուսավորված միապետին», ապա Չերնիշևսկին հանդես էր գալիս որպես ռեսպուբլիկական, արսուլյուտիզմի թշնամի և նույնիսկ կոռուսում էր, որ ժամանակ կգա, երբ մարդկութիւնը պետութեան կարիքը

¹ См. Н. Г. Чернышевский, Полн. собр. соч., т. IV, стр. 233.

² Там же, т. V, стр. 622 (ընդգծումը մերն է—Ռ. Կ.):

³ Там же, стр. 609.

չի զգաւ: Եթե բարոյականութիւնն օրենքների միջոցով փոփոխելու մեջ բուր-
ժուական մատերիալիստները ենթադրում էին հին հասարակարգի խաղաղ,
ռեֆորմիստական փոփոխութիւնը, ապա բարոյականութեան որոշիչը համարե-
լով հասարակութեան նյութական պայմանները, Չերնիշևսկին բարոյականու-
թեան փոփոխութիւնը կապում էր այդ պայմանների՝ միմիայն ուղղութիւն փո-
խակերպման հետ: Նրա անհաշտ վերաբերմունքը դեպի դանդաղ, ռեֆորմիս-
տական փոփոխութիւնները դրսևորված են լիբերալիզմի դեմ նրա մղած ուղ-
ղութիւն պայքարում: Նա չէր հանդուրժում հասարակութեան դանդաղ, միայն
լիբերալների ցանկութիւնները բավարարող փոփոխութիւնները, որովհետև
դրանք հակասում էին ժողովրդի շահերին: Ահա թե ինչու, օրինակ, Չերնիշև-
սկին այնպես, ինչպես և Մարքսը, դատապարտում էր Ֆրանկֆուրտի ժողովի
դանդաղ կոտորածները, կոմպրոմիսը և ժողովրդի շահերից հեռու լինելը¹:

Այսպիսով, մերժելով մարդկանց բարոյական և մտավոր հատկանիշների
ձևավորման ու զարգացման գործում տարբեր ազգերի, տարբեր մարդկանց
մոտ բարոյական սկզբունքների զանազանութիւնն գործում թե՛ աշխարհագրա-
կան միջավայրի, թե՛ խառնվածքի և թե՛ օրենքների ու կառավարութեան վճռա-
կան դերը, Չերնիշևսկին մի գլխով բարձրանում էր միջամարքսյան պրոգրեսիվ
փիլիսոփայական մտքից:

Չերնիշևսկին ցույց էր տալիս, որ մարդկանց բարքերի զանազանութեան
ու փոփոխութեան մեջ որոշիչ դեր են կատարում նրանց նյութական պահանջ-
ները, նյութական կենցաղը, նա պատմագրութեան մեղադրում էր հենց այն
բանի համար, որ նա իր ամբողջ ուշադրութիւնը նվիրելով հասարակական
իդեաների և մեկ էլ որոշ անհատների կենսագրութիւնների ուսումնասիրու-
թեանը, բոլորովին չի անդրադարձել ժողովրդական կյանքի այնպիսի կողմերի
ուսումնասիրութեանը, ինչպես ժողովրդի բարքերն են և նյութական կենցաղը:
«Մարդկային ցեղի կյանքը, ինչպես և առանձին մարդու կյանքը, — գրում է
Չերնիշևսկին, — կազմվում է շատ ու շատ տարբեր փոխադարձ ներթափան-
ցումից. բացի արտաքին էֆեկտավոր իրադարձութիւններից, բացի հասարու-
կական հարաբերութիւններից, բացի գիտութիւնից և արվեստից, ավելի պա-
կաս կարևոր չեն բարքերը, սովորութիւնները, ընտանեկան հարաբերութիւն-
ները, վերջապես, նյութական կյանքը, բնակարանները, սնունդը, այն բոլոր
իրերի ու պայմանների հաշվառման միջոցները, որոնցով պահպանվում է գո-
յութիւնը. որոնցով ձեռք են բերվում կենցաղային ուրախութիւնները և վըշ-
տերը»²: Կշտամբելով պատմագրութեան այն բանի համար, որ նա, այն էլ
միայն գիտութեան ու դրականութեան զարգացման նեղ մասնակիցների շրջա-
նում, զբաղվում է միայն քաղաքական և մտավոր կյանքի պատմութեամբ,
Չերնիշևսկին ավելացնում է. «Բարքերի պատմութիւնն իր վրա շատ ավելի քիչ
ուշադրութիւն է դրավում: Կյանքի նյութական պայմանների մասին, որոնք
խաղում են հսկիւր թե ոչ առաջին դերը կյանքում, որոնք կազմում են կյանքի
նաև այլ, ավելի բարձր սփերաների գրեթե բոլոր երևույթների արմատական
պատճառը, հազիվ է հիշատակվում, այն էլ՝ շատ թույլ և շատ անբավարար
կերպով, այնպես որ ավելի լավ կլինի բնավ չհիշատակել: Չենք խոսում ար-
դեն այն մասին, որ, ըստ էութեան, ամբողջ պատմութիւնը շարունակում է

¹ Տե՛ս Н. Г. Чернышевский, Избранные философские сочинения, т. III, стр. 838.

² Н. Г. Чернышевский, Полн. собр. соч., т. III, стр. 356.

մնալ գերազանցապես առանձին կենսագրությունների մի ժողովածու, և ոչ թե պատմություն ամբողջ բնակչության ճակատագրի մասին»¹։

Իհարկե, Չերնիշևսկին գեռես շուներ հասարակության նյութական կյանքի պայմանների գիտական հասկացողությունը։ Նա որոշ վերապահությամբ ընդունում էր, որ մարդկանց նյութական կյանքը հանդիսանում է հասարակական մյուս բոլոր երևույթների հիմքը, բայց նախ՝ նա շուներ նյութական կյանքի պարզ ըմբռնումը և հետո՝ նյութական կյանքի մեջ նա չէր տեսնում որոշիչ ուժը, այն է՝ բնակարանների, սննդի, հագուստի հայթայթման կամ արտադրության եղանակը։ Մյուս կողմից՝ նա որոշ չափով գերազնահատում էր գիտակցության դերը հասարակության զարգացման գործում։ Նա գտնում էր, որ բարքերի մեջ գոյություն ունեցող կոպտությունը, այլանդակությունները տգիտության արդյունք են և կարող են վերացվել միայն լուսավորության տարածման միջոցով։ Սակայն Չերնիշևսկին զգում էր այս տեսակետի թերի լինելը, երբ սկսում էր մտածել, թե ինչպես կարելի է տարածել լուսավորությունն այնպիսի պայմաններում, երբ, մի կողմից, ժողովրդի տգետ մեծամասնությունը զուրկ է լուսավորության միջոցներից, իսկ մյուս կողմից էլ՝ վերնախավերը գործադրում են ամեն տեսակի միջոցներ՝ նրանց լուսավորելու գործը խափանելու համար։ Այս մոմենտը նկատի ունենալով, Չերնիշևսկին գալիս էր այն եզրակացության, որ լուսավորություն տարածելու համար անհրաժեշտ է փոխել գոյություն ունեցող այնպիսի հասարակական հարաբերությունները, որտեղ որոշ խավեր արգելք են հանդիսանում ժողովրդին լուսավորելու գործին։ Հետևապես ժողովրդի մեջ հենց այդպիսի հասարակական հարաբերությունների հետևանքով առաջացած և դարերով ամրապնդված բարոյական վատ հատկանիշների վերացման համար անհրաժեշտ է վերացնել գոյություն ունեցող հասարակական հարաբերությունները²։

Չնայած Չերնիշևսկին չհասավ հասարակության նյութական կյանքի պայմանների մարքսիստական հասկացողությանը, չնայած նա չկարողացավ հայտնագործել նյութական բարիքների արտադրության եղանակը՝ որպես հասարակության զարգացման որոշիչ ուժ և հասարակական իդեանների օբյեկտիվ հիմք, այնուամենայնիվ, նրա որոշ դրույթները մարդկանց բարոյական իդեաները, քաղաքական պատմությունը պայմանավորող նյութական կյանքի, իրավական նորմաները պայմանավորող տնտեսական կյանքի³ մասին, մոտեցնում են նրան պատմական մատերիալիզմին։ Բարոյական իդեանների բաղմազանության և փոփոխելիության օբյեկտիվ հիմքը համարելով մարդկանց նյութական կյանքը, բնակարանները, սննդի «իրերի և պայմանների հայթայթման միջոցները», Չերնիշևսկին, համեմատած Հելվեցիուսի, Հոլբախի և Ֆոյերբախի հետ, ավելի ճիշտ էր լուծում մարդկանց իդեանների և հասարակական միջավայրի հարաբերության հարցը։

Իացի այդ, Չերնիշևսկու և բուրժուական մատերիալիստների ուսմունքի տարբերությունը դրսևորվում է նաև նրանում, որ եթե Դիդրոյի, Հելվեցիուսի, Ֆոյերբախի էթիկայում բացակայում էր բարոյական սկզբունքների դասակարգային բնույթի ըմբռնումը, ապա Չերնիշևսկու մոտ բարոյականության գրեթե

¹ Н. Г. Чернышевский, Полн. собр. соч., т. III стр. 357 (ընդգծումը մերն է — Ռ. Կ.)։

² Там же, т. IV, стр. 842.

³ Там же, т. V, стр. 599.

բոլոր հարցերի քննարկման ժամանակ զգացվում է, որ նա ոչ թե աղոտ կերպով, այլ խորությամբ ըմբռնել է բարոյականության դասակարգայնությունը: Չերնիշևսկին գտնում էր, օրինակ, որ ժողովուրդները միմյանցից տարբերվում են իրենց հատուկ լեզվով և ազգային, հայրենասիրության զգացումներով: Սակայն, ինչպես նկատում է Չերնիշևսկին, յուրաքանչյուր ժողովուրդ ունի իր «դասային և պրոֆեսիոնալ բաժինները», որոնք նմանվում են ազգային լեզվով և հայրենասիրության զգացմունքով, սակայն խիստ տարբերվում են միմյանցից իրենց մտավոր և բարոյական կյանքի կողմերով, իրենց հատուկ կենցաղավարությամբ:

Դասերի կամ «պրոֆեսիոնալ բաժինների» այս հատուկ գծերը այնքան խիստ են աչքի զարնում, այդ գծերն այնպիսի խիստ սահմանման են դնում միևնույն ժողովրդի տարբեր դասերի միջև, որ բարոյապես և կենցաղով յուրաքանչյուր տվյալ դաս ավելի նման է մի այլ ժողովրդի համանման դասին, քան իր ժողովրդի մյուս դասային բաժնին: «Ամբողջ Արևմտյան Եվրոպայի երկրագործ դասակարգն իր կենսաձևով և հասկացողություններով կարծես մի ամբողջություն է: Նույն բանը պետք է ասել արհեստավորների, հարուստ ռամիկ մարդկանց, ունևոր դասի մասին: Պորտուգալական մեծատունն իր կենսաձևով և հասկացողություններով շատ ավելի նման է շվեդական մեծատունին, քան իր ազգի երկրագործին: Պորտուգալական երկրագործը այս տեսակետից ավելի նման է շոտլանդական կամ նորվեգական երկրագործին, քան Լիսաբոնի հարուստ վաճառականին»¹:

Իհարկե, Չերնիշևսկին մինչև վերջ էլ չկարողացավ հասնել դասակարգերի մարքսիստական ըմբռնմանը, այլ աղոտ կերպով միայն կռահեց դասակարգերի կապը արտադրության եղանակի հետ:

Գնահատելով Չերնիշևսկու անհաշտ դիրքը ճորտատիրության նկատմամբ, որտեղ զյուդացիության շահերից բխող նրա պայքարը ազնվականության ու լիբերալ բուրժուազիայի հակաժողովրդական թեորիաների դեմ, շատ հարցերի դասակարգային էության նրա ըմբռնումը, Լենինը նշում էր, որ «նրա երկերից դասակարգային պայքարի ողու շունչ է փչում»²: Մինչդեռ այս հարցում ևս Պլեխանովը չէր նկատում ոչ մի տարբերություն Չերնիշևսկու և Ֆոյերբախի Լիբկական դրույթների միջև: Պլեխանովը, առանց խորանալու Չերնիշևսկու հասկացողության մեջ՝ հասարակական միջավայրի նկատմամբ հարկադրված էր ընդունելու, որ Չերնիշևսկին բարոյական սկզբունքների ձևավորման մեջ հասարակական միջավայրի մեծական դերի հարցում ևս «միայն շաբաղում և գաղաղնում էր... իբրև ուսուցիչ Ֆոյերբախի հայացքները», և որ Ֆոյերբախի հայտնի աֆորիզմները միջավայրի և մարդկանց բարոյական ու մտավոր հատկանիշների կապի մասին, հանդիսանում են XVIII դարի մատերիալիստների ուսմունքի սոսկ կրկնողությունը և մասամբ՝ գործադրությունը փոփոխված հանդամանքների նկատմամբ»³:

Պարզ է, որ Պլեխանովը չի նկատել ոչ միայն Լիբկական հայացքներում դրսևորվող դասակարգային տարբերությունները Չերնիշևսկու և արևմտաեվրոպական մատերիալիստների միջև, այլև Չերնիշևսկու տեսական շատ

¹ Ն. Գ. Չերնիշևսկի, Փիլիս. ընտիր երկեր, էջ 318:

² Վ. Ի. Լենին, Երկեր, հատ. 20, էջ 298:

³ Г. В. Плеханов, Сочинения, т. V, стр. 203 (ընդգծումը մերն է—Ռ. Կ.):

դրույթների գերազանցությունը՝ թե՛ Ֆոյերբախի և թե՛ XVIII դարի ֆրանսիական մատերիալիստների էթիկական տվյալ դրույթների նկատմամբ:

Բարոյականության նկատմամբ արտաքին հանգամանքների հարաբերության հարցում առաջնությունը տալով արտաքին հանգամանքներին, Չերնիշևսկին ոչ թե մետաֆիզիկորեն միջավայրը հակադրում է մարդկային բարոյական սկզբունքներին, այլ առաջ է քաշում միջավայրի նկատմամբ մարդկանց ակտիվ, փոխակերպիչ դերի հարցը: Հելվեցիուսը, Դիդրոն, Հոլբախը չէին նկատում մարդու մեջ նրա պրակտիկ, գործունյա բնավորությունը և դարձնում էին նրան արտաքին հանգամանքներին ենթակա պասիվ մի էակ, որը պատրաստ է հասարակական միջավայրի ազդեցության ներքո ընդունել ամենայն ձև: Հելվեցիուսը գերազնահատում էր դաստիարակության դերը և զրոյի էր հավասարեցնում դաստիարակվողի ակտիվ էությունը, ուրբյեկտիվ վերաբերմունքը դեպի արտաքին հանգամանքները: Չերնիշևսկին, ընդհակառակը, ելնելով ռևոլյուցիոն-դեմոկրատական դիրքերից, մարդու մեջ բացահայտում էր նրա ակտիվությունը, և իրեն շրջապատող պայմանների մեջ անընդհատ փոփոխություն մտցնելու ձգտումը:

Պաշտպանելով գյուղացիության շահերը, Չերնիշևսկին կամքի ազատության պրոբլեմի իր մեկնաբանությամբ ձգտում էր ուսու գյուղացու մեջ արմատավորել այն համոզումը, որ նա օժտված է մարդուն հատուկ նաև այնպիսի հատկությամբ, ինչպես ակտիվությունն է, որ ուս աշխատավորը կարող է ակտիվ կերպով ներադրել գոյություն ունեցող հասարակական հարաբերությունների վրա, փոխել դրանք, համապատասխանեցնել իր սեփական մղումներին և ցանկություններին:

Կամքի ազատության հարցում Չերնիշևսկին ելնում էր դետերմինիզմի դիրքերից: Նա գտնում էր, որ մարդկային բոլոր գործողությունները պատճառականորեն պայմանավորված են: «Այն երևույթը,—գրում է Չերնիշևսկին,—որը մենք կամք ենք անվանում, ինքը հանդիսանում է մի օղակ՝ պատճառական կապով միացած երևույթների և փաստերի շարքում»¹: Հետևապես, մարդկանց կամային գործողությունները պետք է բացատրել ոչ թե նրանց երևակայությամբ, այլ այն պայմաններով, որոնք մարդու մեջ ծնում են որոշ ցանկություններ, մղումներ և այլն: Չերնիշևսկին քննադատում էր ինդետերմինիստական դրույթները, որոնք հեռացնում էին մարդու ուշադրությունը ռեալ իրականությունից: Նա ցույց էր տալիս, որ երևակայությամբ երբեք չի կարելի հասնել կամքի ազատության, բավարարել անձնական նյութական պահանջները և այլն: Իրականությունը բոլորովին այլ խնդիր է առաջադրում, որի լուծման համար դատարկ, հողից կտրված երևակայությունն անպետք է:

Քանի որ մարդու յուրաքանչյուր կամային գործողություն պայմանավորված է արտաքին որոշ հանգամանքներով, ապա այդ նշանակում է, որ չպետք է կանգ առնել մարդկային որևէ արարքի գնահատման վրա, այլ պետք է ձգտել բացահայտելու նրանց ծնող օբյեկտիվ պատճառները: Այսպես, օրինակ, Չերնիշևսկին գտնում էր, որ ուսական հասարակության տարբեր խավերի միջավայրում ծնունդ առած բարոյական վատ հատկությունները հանդիսանում են մարդկային կամքի և մարդկանց շրջապատող միջավայրի հակասության հետևանքը: Այս հակասությունը խեղաթյուրում, և մարդու համար վնասակա-

¹ Ն. Գ. Չերնիշևսկի, Փիլիս. ընտիր երկեր, էջ 62:

րության հասնող շափով ծայրահեղ է դարձնում նրա վանաղան պահանջները: «Այս պայմանները, — գրում է Չերնիշևսկին, — այնքան անբարենպաստ են մարդկային բնության արմատական պահանջների համար, որ մեզանից ամենալավագույնը տառապում է այդ թերությամբ»¹. այսինքն՝ արատներով, շափազանցված կրքերով, փառասիրությամբ: Վերլուծելով Շչեդրինի «Նահանգական ակնարկները», Չերնիշևսկին նշում էր, որ բուերակիների կամ դատարանի գրագիրների կողմից ցուցաբերվող արարքները ծածկում են նրանց ներքին, գուցե և առողջ, մարդկային հատկությունները: Կան մարդիկ, որոնք թեորհական զրույցների ժամանակ հանդես են գալիս որպես անարդարությունների, կեղծիքի և այլ վատ բարոյական գծերի թշնամի, բայց բավական է, որ նրանք ոտք դնեն գործնական կյանք, և նրանք իսկույն կդավաճանեն իրենց համոզմունքներին և տուրք կտան իրենց իսկ կողմից կշտամբանքի արժանացող կեղծիքին ու ստորաքարշությունը: Այս փաստերից ելնելով, Չերնիշևսկին անում էր այն հանճարեղ կռահումը, որ մարդկությունը բազմաթիվ անարդարությունների, տմարդի գործերի հաղթահարման միջոցով՝ ինչպես քավարանի միջով՝ գնում է դեպի իր սեփական մարդկային առողջ հատկությունների անխափան դրսևորումը²:

Այսպիսով, որպեսզի մարդու սեփական էությունից բխող ցանկությունները և ձգտումներն ունենան իրենց ազատ բավարարման հնարավորությունը, անհրաժեշտ է, ըստ Չերնիշևսկու, վերացնել այն հասարակական հարաբերությունները, որոնց հետ մարդկային առողջ ձգտումները հակասության մեջ են դառնում: Վերացնելով Ռուսաստանում ճորտատիրական կարգերը, մարդիկ հնարավորություն ձեռք կբերեն դրսևորելու իրենց ազատ, չխեղաթյուրված, անկեղծ կամքը: Այն հասարակարգը, որտեղ մարդիկ անձնուպես ազատ կլինեն, կապիտալիզմը չէ, որովհետև այդտեղ, ինչպես ճիշտ նկատում է Չերնիշևսկին, մարդուն տրված կարծեցյալ ազատությունների քողի տակ իրագործվում է անհատի կամքի ճնշումը: Հասարակական կյանքում թագավորող անսահման մրցակցությունը թե՛ հողագործության և թե՛ ֆաբրիկա-գործարանային արդյունաբերության բնադավառում ճնշում է վարձու աշխատողների շարքն անցնող մանր արտադրողներին³: Այն հասարակարգը, որտեղ մարդիկ անձնապես ազատ կլինեն, ըստ Չերնիշևսկու, սոցիալիզմն է, որի հիմքը կազմող համայնական սեփականությունը հնարավոր կդարձնե մարդկանց կամքի ազատ դրսևորումները:

Չերնիշևսկին գտնում էր, որ ինչքան էլ մարդու կամքը պայմանավորված լինի օբյեկտիվ հանգամանքներով, նա կարող է ձևափոխել իրեն շրջապատող անրնդունելի պայմանները և աստիճանաբար հասնել իր կյանքի բարելավմանը և իր ցանկությունների կատարմանը, եթե նա գործի բնության և ոգու օրենքներին համաձայն: Չերնիշևսկին ընդգծում էր այն միտքը, որ չի կարելի դրական համարել այն մարդուն, «որը, հասկանալով, որ մարդը մատակարարվում է ուժերով և հաստատուն հաճությամբ միայն իրականության կողմից, հանկարծ հայտարարե, որ իրականության մեջ չկան այնպիսի երևույթներ, որոնք մարդու համար հարկավոր և հնարավոր լինեն փոփոխման ենթարկել»:

¹ Н. Г. Чернышевский, Избр. фил. соч., т. II, стр. 595.

² Там же, стр. 163.

³ Там же, стр. 97.

որ իրականության մեջ մարդու համար ամեն ինչ հաճելի է ու լավ, և որ մարդը յուրաքանչյուր փաստի առաջ կատարելապես անզոր է»¹:

Այսպիսով, Չերնիշևսկին դնում էր մարդու կամքը կաշկանդող և այդ պատճառով՝ անբարոյական արարքներ հարուցող պայմանների փոփոխման անհրաժեշտության հարցը՝ մարդկային ակտիվ գործունեության, իրականության ու նրան տրված ուժի, անընդունելի փաստերը լիովին վերացնելու նրա զորության միջոցով:

Սակայն, որն է իրականության նկատմամբ մարդու կամքի ազատության, ուրեմն նաև իր ցանկություններն ազատ ձևով բավարարելու պայմանը: Ըստ Չերնիշևսկու, այդ պայմանն իրականության ճանաչումն է, որը հնարավոր է կրթության ու լուսավորության տարածման միջոցով: «Շատ հաճախ, — գրում է նա, — հայտնի վարմունքի համար մեր մեջ կամքի հայտնվելու ամենամոտ պատճառը լինում է միտքը: Թայց կամքի որոշակի հակվածությունը նույնպես առաջանում է որոշակի մտքի միջոցով. ինչպես միտքն է, այնպես էլ կամքն է. թող այդպես չլինի միտքը, այդպես չէր լինի և կամքը»²:

Չերնիշևսկու այս դիտողությունը չի կարելի համարել կամքի ինդետերմինիստական ըմբռնում, երբեք չի կարելի կարծել, որ նա կամքը կախման մեջ է դնում դուրս մտքից: Չերնիշևսկին պայքարում էր հենց կամքի այդպիսի ըմբռնման դեմ: Երբ Չերնիշևսկին գրում է, որ ինչպես միտքն է, այնպես էլ կամքն է, ապա ցանկանում էր շեշտել ոչ թե կամքի բացարձակ ինքնուրույնությունը, այլ այն, որ մարդու արարքի օգտակարությունը, խելացիությունը, հետևապես նաև արարքի ընդունելի կամ անընդունելի լինելը կախված է մարդու կրթության աստիճանից: Չնայած մարդկանց բարքերի փոփոխությունը կախման մեջ դնելով կրթությունից և լուսավորությունից, գիտակցության աստիճանից, Չերնիշևսկին հանդում էր իդեալիզմի, սակայն ուս հասարակ մարդուն ինքնուրույն գործունեության մղելու, նրա կամքին ազատություն տալու, նրան սեփական արժանապատվության գիտակցության հասցնելու համար ուս մեծ ունեցությունների տվյալ զրույթը առաջադիմական էր:

Եթե բարոյական արարքների բնույթը կախված է անհատների կրթության աստիճանից, ապա այդ նշանակում է, որ Ռուսաստանի բնակչության բացարձակ անկիրթ ու տգետ մեծամասնությունը, ուս աշխատավոր գյուղացիությունը չի կարող կատարել մարդկային բնությանը համապատասխանող գործողություններ, չի կարող գտնել վատ արարքներից խուսափելու և լավ արարքներ գործելու միջոցները, և բնակչության բար կկատարի այնպիսի գործողություններ, որոնք վնասակար կլինեն հենց իր համար: Այն հանգամանքը, որ ուս մուժիկը գերադասում էր քաշ տալ իր ոչ մարդկային, անմխիթար վիճակը և ոտքի չէր ելնում իր հարստահարողների դեմ, նշանակում էր, որ նա չէր գիտակցում իր վիճակի փոփոխության հնարավորությունը և միջոցները:

Եվ գյուղացիներին իսկապես բարի, անարատ դարձնելը, նրանց մեջ առողջ կամք դաստիարակելը Չերնիշևսկին այս կերպ էլ հասկանում էր: Գյուղացին չի կարող լինել իսկական մարդ, չի կարող կատարել համայն ուս հասարակության համար օգտավետ, բարի գործ, եթե նա չի կարողանում հասկանալ, որ մարդը կարող է փոխել շրջապատը՝ համաձայն իր պահանջների, եթե նա

¹ Ն. Գ. Չերնիշևսկի, Ռուս գրականության զոգույան շրջանի ուրվագծեր, Երևան, 1953, էջ 392:

² Ն. Գ. Չերնիշևսկի, Փիլիս. ընտիր երկեր, էջ 62:

չի գիտակցում իր վիճակի փոփոխության անհրաժեշտությունը: Հակառակ Շևիրյովի, որը պաշտպանում էր ռեակցիոն կալվածատիրության շահերը և, այդ իսկ պատճառով, գտնում էր, որ գյուղացիների մեջ առողջ կամք դաստիարակելու միակ միջոցը հարկադրանքն է, Չերնիշևսկին գտնում էր, որ հարկադրանքն ամենից առաջ բռնությունն է, մի բարբարոսություն, որով երբեք չի կարելի մարդկանց նախապատրաստել քաղաքակրթության համար: Բացի այդ, Չերնիշևսկին, հետևելով Ռադիշևսկին և Ռուսսոյին, սովորեցնում էր, որ հարկադրանքը ոչ միայն չի ծնում մարդկանց մեջ առողջ հատկություններ, այլև, ընդհակառակը, ավելի է փչացնում նրանց. «Ազատազրկումն ինքնին զրգուում է մարդկանց, փչացնում նրանց, նրանց մեջ զարգացնում է ստոր և չար հակումներ»¹:

Իսկ թե ինչպես է հարկավոր ռուս գյուղացիությանը հասցնել վատ արարքներ առաջացնող պայմանների նկատմամբ նրանց կամքի ներգործության, այսինքն՝ այդ պայմանները նրանց կողմից անհրաժեշտորեն փոփոխելու մղտրին, Չերնիշևսկին ցույց է տալիս իր վեպերում, և հատկապես «Խնչ անել» նշանավոր գրքում, ինչպես նաև Վեբերի «Ընդհանուր պատմություն» առթիվ արված իր դիտողություններում: Այս վերջինում նա նշում է, որ գյուղացիների վատ արարքները, որոնք ծագում են լավը չհասկանալուց, պետք է վերացնել ոչ թե գյուղացիների նկատմամբ բռնություն գործադրելու, այլ «ամեն մի մեծահասակ մարդու, թեկուզ և ամենաանույն մարդու քմբռնման համար»² մատչելի ճշմարտությունները, կենսական խելամուտության կանոնները նրանց հաղորդելու, սովորեցնելու միջոցով: Եվ քանի որ գյուղացիներն իրենք ներքին մղում ունեն լավ արարքներ գործելու, սակայն ի վիճակի չեն այդ անել իրենց անտանելի կյանքի պատճառով, ասալ նրանց պետք է ոչ թե հրամցնել անօգուտ խրատներ, որոնց կարիքը նրանք չեն զգում, այլ անհրաժեշտ է միջոցներ տրամադրել նրանց՝ մատուցելու լավ միտքի փոխարինելու համար:

«Իրենց ժողովրդի բարին ցանկացող մարդկանց պարտականությունն է օգնել բոլոր դասերի մարդկանց հսկայական մեծամասնության այդ ցանկության իրագործմանը... Այսպես պետք է լինեն լուսավորյալ մարդկանց հաճախությունները դեպի իրենց հայրենակիցների մասսան»³:

Այստեղ Չերնիշևսկին ոչ միայն նշում է կամքի ազատության համար օբյեկտիվ օրենքները, կամ վատը լավից տարբերելու համար՝ թե լավը ճանաչելու անհրաժեշտությունը, այլև առաջադրում է ռուս հասարակ ժողովրդի վիճակը, բարքերը փոփոխելու մի ծրագիր: Իր կյանքի վերջում մեծ ռեուլյուցիոններ-դեմոկրատը նորից առաջ էր քաշում վաղուց փայփայած իր այն միտքը, թե գյուղացիությանը դարավոր քնից արթնացնելու և ինքնուրույն պատմական գործողությունների մղելու համար մեծ դործ պետք է կատարեն «լուսավորյալ մարդիկ», որոնց կերպարներն են հանդիսանում «Խնչ անել» գրքի հերոսները: Ռախմետովը, Լոպուխովը, Վերա Պավլովնան և ուրիշները հենց այն լուսավորյալ անձնավորություններն էին, որոնք վարվում էին՝ ելնելով իրենց կողմից գիտակցված մարդկային բնության պահանջներից, կատարում էին թե՛ իրենց և թե՛ ուրիշների համար հաճելի գործեր և այլն: Նրանք այն «նոր մարդիկն» էին, որոնք ղեկավարվում էին «խելացի էգոիզմի» սկզբունքներով և պայքա-

¹ Ն. Գ. Չերնիշևսկի, Փիլիս. բնտիր երկեր, էջ 342:

² Նույն տեղում, էջ 338 (բնագծումը մերն է — Ռ. Կ.):

ընդամենը իրենց հետևից ռուս հասարակ մարդկանց տանելու համար: Չերնի-
շևսկին կոչ էր անում աշխատավոր գյուղացիությանը, որպեսզի նրանք դի-
տեին, մտածեին, կարդային, հետազոտեին և հետևեին նրանց, որոնք խոսում
են կյանքի մաքուր հաճույքի մասին և այն մասին, թե ինչպես պետք է մարդը
դառնա բարի և երջանիկ: Մեծ ռևոլյուցիոն-դեմոկրատը անհուն ատելությամբ
էր տածում ճորտատիրական կարգերի նկատմամբ հենց այն պատճառով, որ
այդ կարգերում ռուս գյուղացին զուրկ էր ոչ միայն իր տարրական պահանջ-
ները բավարարելու հնարավորությունից, այլև մարդ համարվելու և իր մարդ-
կային արժանապատվությունը պաշտպանելու իրավունքից: Նա պաշտպանում
էր այն միտքը, որ գյուղացիներն ավելի մեծ իրավունք ունեն մարդ կոչվելու
համար, քան բարձրաստիճան ազնվատոհմիկ արիստոկրատները, որովհետև
վերջիններս խուսափում են գյուղացու կողմից կատարվող այն ֆիզիկական
աշխատանքից, որը մարդկային բնության առաջնահերթ պահանջներից մեկն է:
Որպես մարդ՝ գյուղացին ևս կարող է լինել խելացի էգոիստ, և բավարարե-
լով իր ֆիզիկական ու հոգեկան պահանջները, միաժամանակ բարիք գործել
հասարակության համար: Չերնիշևսկին իր աշխատություններում զարգացնում
էր այն միտքը, որ հանրագուտ գործունեությունը, հասարակական անընդունելի
կարգերի փոփոխման համար ծավալված պայքարը, ամենաօգտակար հաճույքն
է մարդու համար: Այդ հաճույքի դեմ նսեմանում է նույնիսկ մարդու համար
ամենաթանկագին բանը՝ ապրելու հաճույքը, կյանքը: Լինել խելացի էգոիստ,
նմանվել Ռախմետովին, հետևել նոր մարդկանց, նշանակում է՝ կարողանալ
նրանց նման կշռադատել սեփական վարմունքները, ընտրել նրանցից ամենա-
հաճելին կամ ամենաօգտակարը և, ակտիվ կերպով ներգրավվելով հանրագուտ
գործունեության մեջ՝ ի վիճակի լինել այդ գործունեության համար զոհաբերել
անձնական շատ հաճույքներ, նույնիսկ ամենաթանկ հաճույքը՝ կյանքը: Չեր-
նիշևսկին հասկացնել էր տալիս ռուս գյուղացուն, որ պետք է մահու և կենաց
սլաքար մղել ճորտատիրությունից ազատագրվելու համար, որ հենց այդ պայ-
քարն է այն հանրագուտ, ամենահաճելի գործը, որի համար ռուս գյուղացին
չպետք է խնայի իր կյանքը: Մեծ մտածողը նշում էր, որ ավելի մարդկային
է մեռնել ազատագրության համար մղվող պայքարում, քան ապրել մարդկային
տարրական պայմաններից զուրկ, անտանելի կյանքով:

Այսպիսով, ըստ Չերնիշևսկու, չնայած մարդու բարոյական կերպարը,
նրա հասկացողությունները գոյություն ունեցող հասարակության միջավայրի
արդյունքն են, սակայն մարդը կարող է ակտիվորեն ազդել իրեն շրջապատող
միջավայրի վրա, փոխել, բարելավել այն իր պահանջներին համապատասխան,
եթե հասկանում, գիտակցում է իր շահերը, հասարակական կարգերը փոփո-
խելու անհրաժեշտությունը, եթե նա կարողանում է վարվել որպես խելացի
էգոիստ և զուգակցել իր անձնական շահերը հասարակական շահերի հետ:

Չերնիշևսկու ամբողջ տեսությունը բարոյականության նկատմամբ հասար-
ակական միջավայրի հարաբերության հարցի վերաբերյալ ներծծված էր ռևո-
լյուցիոն-դեմոկրատական զաղափարներով և հետապնդում էր գյուղացիական
ռևոլյուցիայի անհրաժեշտությունը տեսականորեն հիմնավորելու, ինչպես նաև
ժողովրդին ապագայի հեռանկարներով լուսավորելու և պայքարի ոգեշնչելու
նպատակը: